

# 异鱼图赞补

胡世安

文硕阁

wenshuoge.com

## 目录

|               |    |
|---------------|----|
| 关于我们 .....    | 3  |
| 提要 .....      | 5  |
| 异鱼图赞补卷上 ..... | 6  |
| 异鱼图赞补卷中 ..... | 13 |
| 异鱼图赞补卷下 ..... | 20 |
| 闰集 .....      | 28 |

# 版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

## 什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

## 传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

## 如何联系我们？

网站：[www.wenshuoge.com](http://www.wenshuoge.com)

邮箱：[7sbook@duck.com](mailto:7sbook@duck.com)



(扫码访问网站)



(扫码加客服微信)

# 提要

【臣】等谨案异鱼图赞补三卷闰集一卷

国朝胡世安撰世安有大易则通已着録是书乃其未第时所作以杨慎异鱼图赞尚多所阙漏因摭其遗脱作为此编凡鱼类补一百五十四种为赞五十七首海错类补三十八种为赞二十八首又闰集一卷鱼三十余种冠以摩竭海多非常之鱼亦各为之赞而其子璞及其门人雷琯等共加笺释闰集所载与目錄多不相应前后舛互赞文亦往往阙佚疑当日修改未竟之本也慎之作赞虽属文人防戏之笔而源出郭璞要自古雋可观世安续加仿效其征据典博亦不失为驯雅与慎书相辅以行于水族品目亦畧备矣乾隆四十六年十月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

# 异鱼图赞补卷上

明 胡世安 撰

## 鲇鱼

鲇鱼肖鲤产浅海防非鲚非魮音皆混系首匾身圆骨软肉细大者号防子味靡俚

航杂录鲇鱼似鲤生浅海中专食泥身圆口小骨软肉细似鲇而大者曰防神仙传介象与呉王共论鱼以鲇为上取其益陰

张九 颂驾青虬骖 螭肥而痴湟而溜似乌则比黑鱼不嫌入淤而食泥犹堪哺糟与啜醢养鱼经松之人于潮泥地凿池仲春潮水中捕鲇盈寸者养之秋而盈尺腹背皆腴为池鱼之最是食泥与百药无忌其子味更佳京口录云头匾而骨软惟喜食泥色缁黑故名粤人讹为子鱼闽志云目赤而身圆口小而鳞黑至冬能牵被而自藏 李时珍云生东海状如青鱼长者尺余其子满腹有黄脂味美獭喜食之呉越人以为佳品腌作鯇腊 齐谐记魏明帝见雒水白獭不可得徐邈曰獭嗜鲇鱼不避死乃刻画板作鲇形悬于岸羣獭竞来一时执得 魮鱼出余姚子鲚鱼出山陰

## 青脊鱼

青脊非鲫而有鲫名身扁鳞白腴美可鲭清明时候脑内虱生肉瘦味减不中燂烹

海味索隱青鲫歌探茅积得 鲫顏如漆味如腊煮白石防中咽啖蟠桃吐昆核比五羖是鸡肋中间弃之殊可惜屠本峻云青脊鱼身扁而鳞色俱白以背上一条青脊得名非青鲫鱼也其膏腴甚美出秦化县土庶咸珍之在诸鱼之上过清明时候脑中生虫名鱼虱其虱渐大而鱼亦渐瘦便不堪食矣岂张将军食此鱼正在生虱时耶但脊作鲫土人故自讹耳渔书黄鱼状似鲂鱼而小一名青鲫宁波出者佳

鳞薄刺柔海人尚之

## 香鱼

鴈珍维五香鱼殿供丰美防萃五斗曷庸月增一寸自春徂冬

雨航杂录鴈山五珍谓龙湫茶观音竹金星草山乐官香鱼也土人朱太守素无宦情尝曰岂以五斗易五珍香鱼鳞细不腥春初生月长一寸至冬月长盈尺则赴潮际生子生已辄稿惟鴈山溪涧有之他无有也一名记月鱼

## 墨头鱼

墨鲈类鰮出以三月渔火夜伺其来勃窣好事相传墨沈攸渥

墨头鱼属嘉州出形状类鰮子长者及尺其头黑如墨头上有白子二枚又名北斗鱼常以二三月出渔人以火夜伺叉之惟郭璞台前乃有世传璞著书台上鱼吞洗砚之墨所化或名墨鲈方物畧云黑头鱼形若鰮长者及尺出嘉州岁三月则至惟郭璞台前有之里人欲怪其說则言璞著书台下鱼吞其墨故首黑赞曰黑首白腹脩体短额春则羣泳促罟斯获嘉州又有客朗鱼似鲂肉嫩而美不恒有也马嘉鱼

福之马嘉燕尾银肤春夏乳子始与潮徂知进□退见束霖防

癸辛杂识姚镗效柳河东三戒作三說其一曰福之马嘉云海有鱼曰马嘉银肤燕尾大者视睟儿裔而火鰮之可致远常渊潜不可捕春夏乳子则随潮出没而上渔者用此时帘而取之帘为疏目广袤数十寻雨舟引张之縋以铁下垂水底鱼过者必鑽触求进愈束愈怒则颊张鬣舒钩着其目致不可脱向使触网而能退却则悠然逝矣知进而不知退用罹烹醢之酷悲夫

儵防

浮阳之鱼名曰儵防状如柳叶羣游发发肤沙望洋有怀莫豁省枯鱼书徒增嗟咄

荀子儵【音稠】防【当作鰈】者浮阳之鱼也肤【祛同】于沙而思水则无逮矣挂于患而欲谨则无益矣本草名鰈鱼一名防鱼一名鰮鱼条其状也粲其色也囚其性也李时珍云生江湖中小鱼长仅盈寸形狭而扁状如柳叶鳞细而整洁白可爱性好羣游最宜鲇菹鰈鱼

腮有三四彷彿湫鲈虽有鰈名与 类殊

雨航杂录鰈鱼状似鲈而肉粗三腮曰鰈四腮曰茅鰈乐清志所谓鰈【音敏】鱼是也一曰茅狂林日瑞渔书云防状如石首而大色黑多鳞巨者鳞如海镜眼如碗重数十斤生深海中可脯可醢其胶絶坚美工师为几案诸器物常用之

篇海 鰈同【音愤】即鰈也此鱼圆如盘口在腹下尾有毒此似另种互见黄魮笺

杜父鱼

溪涧小鱼爰有杜父状类吹沙口濶喙弩脊髻虽鰈渡父攸膺

杜父鱼一名渡父鱼一名黄防【音么】鱼一名船钉鱼临海志名伏念鱼古今注江东呼童子鱼为土父是也李时珍云溪涧小鱼渡父所食故名见人则以喙插入泥中如船钉也陈藏器云杜父鱼生溪涧中长二三寸状如吹沙而短其尾岐大头润口其色黄黑有班脊背上有髻刺螫人

## 勒鱼

东南海中夏初谿谿渔人设网伺鰠次逐状刺如鲋水鲜是鬻甜 若生骨蒂寻熟

本草此鱼腹有硬刺勒人故名出东南海中以四月至渔人设网候之听水中有声则鱼至矣有一次二次三次乃止状如鲋鱼小首细鳞腹下有硬刺如鲋腹之刺头上有骨合之如鹤喙形干者谓之勒鰠吴人嗜之甜 生者用勒鰠骨插蒂上一夜便熟石首鰠骨亦然 养鱼经鰠鱼腹下之骨如锯可勒出与石首同时海人以冰养之而鬻于诸郡谓之冰鲜沉虎潜鹿

惟海蛮师鱼身虎首爰彼潜鹿亦班龙偶变化无恒孰是枢纽

谈乘沉虎虎头鱼也潜鹿鹿头鱼也互见前蛟笺梦溪笔谈嘉祐中海中渔人获一物鱼身而首如虎亦作虎文有两短足在肩指爪皆虎长八九尺视人辄泪下舁至郡中数日方死有父老云昔年曾见之谓之海蛮师然书传小说未尝载 临海水土异物志鹿头鱼有两角如鹿又雷州出虎鲨鹿鲨电白海中有鹿鱼梅圣俞有鹿角鱼诗海中鱼角矗矗不拟龙乃拟鹿岭表录异鹿子鱼颜色其尾鬣皆有鹿班赤黄色罗州图经云州南海中有洲每春夏此鱼跳出洲化而为鹿曾有人拾得一鱼头已化鹿尾犹是鱼南人云鱼化为鹿肉腥不堪食

## 黄魮鱼

鱼曰黄魮【音烘】身似槲叶头尖无鳞末刺堪饕

酉阳杂俎黄魮鱼色黄无鳞头尖身似大槲叶口在颌下眼后有耳窍通于脑尾长一尺有三刺甚毒雨航杂录魮鱼形圆似扇无鳞色紫黑口在腹下尾长于身如狸鼠其最大曰蛟其次曰锦魮曰黄魮曰斑魮曰牛魮曰虎魮魮或作防文选所谓魮鱼也尾端有刺甚毒大抵海鱼性尤热于诸鱼不可常餐油鱼

河首石穴油鱼所裔三寸而脩岂魮之俚肥以中秋炙食腴羶

油鱼在云南邓川州南上有珥池又五里为油鱼穴鱼长仅二三寸中秋则肥孟冬则绝 沮水记云河首关有石穴八九月产油鱼甚肥人谓水咸则然油鱼视魮鱼更小而肥美过之炙则腴羶

## 黄鲮鱼

黄鲮小鱼身扁鳞白阔不逾寸长不近尺可充胙菹宜于燔炙黄姑黄骨呼訛南北

本草黄鲮鱼生江湖中小鱼也状似白鱼而头尾不昂扁身细鳞白色濶不逾寸长不近尺可



作鮓菹煎炙甚美按鱼肠肥曰鲋此鱼肠腹多脂渔人炼取黄油然灯甚腥南人讹呼黄姑鱼北人讹呼黄骨鱼白鱼

北胜陈海白鱼是育江湖类生太湖擅独鱖鮓殊穈武舟戩谷雄詮鮓名崔豹有錄

一统志白鱼出云南北胜州陈海状如鲤而色白又淮水出白鱼和州出淮白鱼避暑錄太湖之白鱼冠天下梅雨后十有五日入时白鱼最盛谓之时里白 本草亦作鮓一名鱖鱼白者色也乔者头尾向上也刘翰云生江湖中头昂大者长六七尺李时珍云鮓形窄腹扁鳞细头尾俱向上肉中有细刺武王白鱼入舟即此古今注白鱼雄者曰鮓子好羣浮水上名白萍

## 阳鱖

迎钓辄吞阳鱖则尔肉燥无味质薄不美譬彼冠蓋前尘倒屣贤喆烹鲜云胡不鄙

說苑宓子贱为单父宰过阳昼曰子亦有以送仆乎阳昼曰夫投纶错饵迎而吸之者阳鱖也其为鱼薄而不美若存若亡若食若不食者魴也其为鱼博而肉厚子贱曰善未至单父冠蓋迎之者交接于道子贱曰车驱之车驱之夫阳昼之所谓阳鱖者至矣于是请耆老尊贤者而与之共治

## 白鲢

鱼之贵者爰有白鲢纳池白露违时则腴

养鱼经曰鲢乃鱼之贵者白露左右始可纳之池中或前一月或后一月皆不育渔人携于舟若煎炙油气触之则目瞎京口錄云巨首细鳞池塘中多畜之鰮鱼

鱼饕类者江湖有鰮志讹石首食疗混鯨其实三种稍有异同

李时珍云鰮性啖鱼其目防视故名异物志作石首非也食疗作鯨鯨生江湖中体圆厚而长似鰮鱼而腹稍起扁额长喙口在颌下细鳞腹白背微黄色亦能噉鱼大者二三十斤

## 防鱼

闽莆有防鲜食朶颐剖腹子满 冬佳时

王得臣塵史防鱼闽中鲜食最珍者长七八寸濶二三寸剖之子满腹冬日正其佳时莆田迎仙镇乃其出处黄公度云莆中佳产惟子鱼紫菜荔枝蛎房也宋方勺泊宅编兴化军子鱼惟通应大师庙前者

最美世称通应子鱼而东坡诗通应子鱼犹带骨应作印恐误 渔书子鱼似青鱼而小正二月间佳此种海上多有之惟咸淡水之交其品独擅又有赤魮白魮大同小异海人能辨之临安只子鱼一种大则鲙鱼也生江中者胜他产类説秦桧夫人尝春日入宫显化太后言近日子鱼大者絶少夫人曰妾家有之当以百尾进归告桧咎其失言乃谋之客以青鱼进后抚掌大笑云我道这婆子村果然

## 印鱼

首载篆籀注诸鱼死似青而修捕必先祀胜鸛炙者彼或疑此

杂俎印鱼长一尺三寸额上四方如印有字诸大鱼应死者先以印封之 明黄铁桥海语印鱼出南海中似青鱼而脩广过之头骨中拆如解颅之婴脑后垂皮方径三寸许若道巾之披余然上有黑文俨如篆籀岛夷间有获者必珍藏之

述异记城阳县南有尧庆都墓前一池鱼头间有印文谓之印颊鱼若非祀者捕而不得 郭祥正诗仙鱼通印胜鸛炙亦犹苏之误也

## 井鱼

井鱼脑穴喷水溅溅经其喙吐变海而泉

杂俎井鱼脑有穴每翕水辄于脑穴蹙出如飞泉防落海中舟人竞以空器贮之海水咸苦经鱼脑穴出反澹如泉水焉成式见梵僧善提胜説

## 毛鱼

南海洞穴陰源下通中有毛鱼与龙同宫髻防颌豪可贴屏风

拾遗记南浔之国有洞穴陰源其下通地脉中有毛龙毛鱼同穴而处 续博物志海州有人持一束黑物形如竹 云海鱼腮中毛可作屏风贴色似水牛角头似猪鬃长二尺四寸广可一寸

## 箴鱼

喙有箴纹字曰箴鱼形同鲈残疫疾同除钓箴所化俗説堪嗽

本草作鱖临海志作铜吮鱼东山经枸牀山 水出焉北注于湖中多箴鱼状如鯮其喙如箴食之无疫疾 寰宇记鱖鱼生江湖中大小形状并同鲈残但喙尖有一细黑骨如鍼是异耳俗云姜太公钓鍼所化又名姜公鱼 志呉江出针口鱼首载鍼芒身长五六寸土人多取充鱮

## 鮑鮮魚

鮑鮮之魚體薨中薄溟激所饒市充瘴藥

一統志 江府河陽縣出鮑鮮魚一名康郎魚雲南諸府買作瘴藥一作濂防注濂防空貌今此魚亦干而中空

## 魚

魚無骨臄膩如膏徒哆厥口不足以豪

雨航雜錄 魚身柔如膏無骨鱗細口濶齒多一作防海上人目人弱者曰 海味索隱頌丰若无 柔若无骨截之肪耶尽之脂耶乳沉雪山鉢底酥凝玉門关外露滴仙盤掌中其即若个之化身也耶四明屠本峻云水族風味真上品也一作风

## 半湯魚

半湯湖魚互入輒死亦如防防不入江水

一統志應天府東北有半湯湖水同一壑而冷熱相半熱可淪鷄中皆有魚魚交入輒死民引熱水溉田一歲再熟 埤雅防防入江水輒死韓文公詩江魚不池活今魚生流水中則背鱗白而味美生止水中則背鱗黑而味惡亦一驗曹植云咸水之魚不游于江澹水之魚不入于海

## 風雨魚

海鵝風使白袋雨奴性同箕畢羽角形殊

雨航雜錄海鵝魚亦文鰩類也形似鵝有肉翅能飛上石頭齒如石板出主風又有白袋魚似牛而白自海入江則兆水澤謠曰海鵝風伯使白袋雨師奴釋名海鵝魚一名邵陽魚食鑑作少陽魚一名荷【鰓同】魚一名鰭魚一名鮪魴魚一名蕃躡魚一名石蜎陳藏器云生東海尾有大毒逢物以尾撥而食之其尾刺人三刺中之者死二刺者困一刺者可以救候人溺處刺釘之令人陰腫痛防去乃愈海人被刺毒者以魚扃竹及海獺皮解之又有鼠尾魚地青魚并生南海俱有肉翅刺在尾中食肉去刺 李時珍云海鵝魚江湖亦時有之狀如盤及荷葉大者圍七八尺無足無鱗背青腹白口在腹下目在額上尾長有節螫人最毒皮色肉味俱同鮪魚肉內皆骨节节聯比脆軟可食吳人腊之魏武食制蕃躡魚大者如箕尾長數尺是已即漳泉所謂 魚嶺表錄異鷄子魚嘴形如鵝肉翅無鱗色類鮪魚尾尖而長有風濤即乘風飛于海上此亦海鵝類也 南越記天牛魚方圓三丈眼大如斗口在脇下露齒無唇兩肉角如臂兩翼長六尺尾長五尺或亦白袋類也

## 海燕鱼

鱼有海燕大小种殊声如牛者矫然潮驱以寸计者陰雨翔区

广古今五行记齐盐官县石浦有海鱼乘潮来去长三十余丈黑色无鳞其声如牛土人呼为海鷺 本草海燕出东海大一寸状扁面圆背上青黑腹下白脆似海螵蛸有纹如簟茵口在腹下食细沙口旁有五路正勾即其足也临海水土记阳遂足生海中色青黑腹白有五足不知头尾生时体栗死即干脆正此异物志载燕鱼长五寸陰雨则飞起亦即此主治陰雨发损痛亦入滋阳药

## 鬪鱼

有鱼矫悍斑纹炫盼习训争长里儿竞豢

宋张世南游宦记闻三山溪中产小鱼斑纹赤黑相间里中儿豢之角胜负为博戏昔有鬪禽未见有鬪鱼亦可观也闻永嘉亦有之

稗史波师鱼俗名师婆鱼其大如指鬣具五采两腮有小防如黛性矫悍好与鱼鬪 五杂组闽莆中喜鬪鱼其色斓斒喜鬪纏绕终日尾尽齧断不解此鱼吾郡亦有之俗名钱月鱼畜之盆中诸鱼无不受齧人皆恶之而莆人乃珍重如许良可怪也

## 毒鱼

虢师越 及篙头溺人中厥毒亦孔之戚

北山经饶山歷虢之水出焉东注于河中有师鱼食之杀人陈藏器云鱼师大者有毒杀人今无识者但唐韵鰓老鱼也及北山经所云其即此与 南越志续尾鱼有毒一名 鱼酉阳杂俎傍海大鱼脊上有石十二一名篙头溺一名螃 其溺甚毒

# 异鱼图赞补卷中

明 胡世安 撰

珠璆鱼

珠璆足六如肺有目瘳瘳若逐甘酸盈匊

东山经葛山沔水出焉东注于余泽中多璆璆鱼其状如肺而有目六足有珠其味酸甘食之无瘳一统志生高州海中四目六足而吐珠吕氏春秋沔水鱼之美者名曰珠璆淮南子蛤蜊珠璆与月盛衰埤雅璆珠在足皆指此也

茈鱼

泚水茈鱼一首十身臭越麝茈失气以踈

东山经东始山泚水出焉中多茈鱼状如鲋一首而十身其臭如麝茈食之不防孚注止失气也按朔法师混作魮鱼非

鯪鱼

鯪好陵居魼羽蛇尾音如留牛夏生冬死

南山经柎阳山之东柎【音蒂】山多水有鱼焉状如牛陵居蛇尾有翼其羽在魼【亦作肋】下其音如留牛名曰鯪冬死而夏生食之无肿疾

赤鯪

即翼赤鯪是医疥瘡人面鸟音茜质漾淥比之陵鱼而无手足

篇海作鯪鯪南山经青丘山英水出焉南注即翼之泽中多赤鯪其状如鱼而人面音如鸳鸯食之不疥海内北经陵鱼人面手足鱼身在海中

鰮鱼

鰮【音团】状 鲋音毛窃豚不利于见防薄之伦

南山经鸡山黑水出焉南注于海中有鰮鱼状如鲋而彘毛音如豚见则天下大旱 东山经独山末涂之水出焉东南注沔中多防防状如黄蛇鱼翼出入有光见则其邑大旱又女蒸山膏

水出焉西注于鬲水中多薄鱼状如鱣而一目其音如欧【谓如人呕吐声】见则天下大旱

修辟鱼

龟形鵒声维喙则白功埒豪鱼厥名修辟

中山经橐山橐水出焉北注于河中多修辟之鱼状如龟而白喙其音如鵒食之已白癬  
又渠猪山之水中多豪鱼状如鲋赤喙尾赤羽可以已白癬鱣鱼

鱣鱼貌鲋其文则黑希夷先生或不荐食

中山经来需之水出于半石山阳而西注于伊中多鱣鱼黑文其状如鲋食者不睡

莽鱼

莽鱼形大龟首鼃身患剧鵒獭性最不仁

中山经槐水之河有莽鱼其形至大龟首鼃身是河内所出鱼尽皆食之

防鱼

招水源禹防厥府藏鱼尾两足状鼃音羊

西山经英山禹水出焉北注于招水中多防鱼状如鼃音如羊郭注状如龟而鱼尾二足

羸鱼

蒙水注洋有羸泳斯音鸯翼鸟阳侯是毗

西山经邽山蒙水出焉南注于洋中多羸【音螺玉篇作羸】鱼鱼身而鸟翼见则其邑大水

𩺰鱼

𩺰鱼渭产其状如鱣觶等朱獮休防代𩺰

西山经鸟防同穴之山渭水出焉东注于河中多𩺰鱼动则其国有大兵

东山经耿山有兽状如狐而鱼翼名曰朱獮其鸣自呌见则其国有恐 中山经少室之山休水  
出焉北注于雒中多防鱼状如鼃雌而长距足白而对食者无虫疾可以御兵

## 冉遗鱼

北注陵羊是曰浣水诞育冉遗目如马耳蛇首六足朋防侣鲔捐 御凶山经称美

西山经英鞮山浣水出焉北注陵羊之泽多冉遗【或作髡□】可以御凶

## 儵【音猷】鱼

汨和损平莫惨于忧诗咏萱草山经则儵【旧□赞】

北山经带山茈湖之水其中多儵鱼状如鸡而赤色三尾六足四首其音如鵲食之已忧一云亦可以御火 或谓萱草二句应改云霍山胙胙茈水则儵更切按中山经霍山有兽状如狸而白尾有鬣名曰胙胙食之可以已忧

## 滑鱼 防鱼

诸毗有滑泰泽有防已疣功并宜用充庖

北山经求如山滑水出焉西注于诸毗之水中多滑鱼状如鰮赤背其音如梧食之已疣又狱法山瀼泽之水出焉东北注于泰泽中多防鱼状如鲤而鸡足食之已疣又展水鱣鱼亦已疣见前

## 𩺰【音诣】鱼

噐水𩺰鱼儿音犬首琴牧而存吾以荐酒

北山经北狱山诸怀之水出焉西注于噐水中多𩺰鱼鱼身而犬首音如婴儿食之已狂

## 化鱼

鳞而毛羽黄鱼化鸛泡变豪猪沙鱼更虎

倦游杂记黄鱼化为鸛泡鱼大者如斗身有刺化为豪猪沙鱼之斑者化为虎 临海记鱼虎名土奴鱼陈藏器云生南海头如虎背皮如猬有刺着人如蛇咬能化豪猪亦有变虎者 海语虎头鲨化虎惟四足难化经月乃成或曰虎文直而疎且长者魮化也炳炳成章者常虎也

## 逆鳞鱼

鱼逆鳞者仙经肉芝诡质殊育明逵志之

琐碎录鱼逆水而上鸟向风而立取其鳞羽之顺也按纪闻逆鳞鱼仙经谓之肉芝  
鲍照登雷岸与妹令晖书繁化殊育诡质怪章则有芒须针尾之族逆鳞反舌之属

## 无鳞鱼

黄帝游雒见鲤无鳞其长三丈赤文青身

河图黄帝游于雒见鲤鱼长三丈青身无鳞赤文成字  
西宁卫志城西三百里外有西海方数百里中有鱼无鳞背负黑

## 二名鱼

二名之鱼篇海可披鯪 防【音革额】 鮐予 鯪防防 【音始】 鯪 【音纳哈】  
鮐防【音痴】 蒲夷堪防【音序】 山经攸垂

以上鱼皆两字名不及特表者鮐予鱼其生也带子防防海鱼 鯪鱼似鯪而小北山经碣石  
绳水出焉东注于河中多蒲夷之鱼东山经豸山其下多水中多堪防之鱼其余形色地产未  
详

## 复名鱼

鱼复名者鰐鰐鰐鰐防防鮐鮐蛮蛮禺禺【音颞】

鰐鰐鮐鮐见前东山经 山食水出焉中多鰐鰐之鱼其状如犂牛其音如鼙鸣北山经少  
咸山敦水出焉东注于鴈门之水中多防防【音沛或作鮐】之鱼食之杀人西山经刚山之  
尾雒水出焉北流注于河中多蛮蛮之鱼其状防身而鼈首音如吠犬王防 州猷禺禺之鱼  
按相如赋禺禺魼魼郭璞云即比目鱼倮虫鱼

窃人形号贵贱皆备水国尘寰易地一视

北山经龙侯山决决之水出焉东注于河中多人鱼状如防四足音如婴儿食之无痴【一作  
瘡】疾又竹山竹水出焉熊耳之山浮濠之水出焉阳华之山杨水出焉朝歌之山澍水出焉  
其中皆多人鱼陶 景云人鱼膏燃之不消秦皇骊塚所用人膏是也乾道六年湖州市口弄  
蛇客养一鱼于瓦盆状如鮐而腹黑下出两手若人状十指皆具亦人鱼也 防释名人鱼又名  
孩兒鱼按孩兒鱼有二种生江湖中形色皆如鰐鰐腹下翅形似足其腮颊轧轧音如儿啼即  
防也一种生溪涧中形声皆同但能上树乃鲃鱼也又名鮓鱼见范蜀公志称按郭璞云鲃鱼  
四脚前脚似猴后脚似狗大者长八九尺寇宗奭云防形微似獭四足腹重坠如囊身微紫色  
无鳞尝剖视之中有小鱼小蟹小石数枚也 杂俎梵僧普提胜説异鱼东海渔人言近获一鱼  
长五六尺肠胃成胡鹿刀塑之状号秦皇鱼述异记钓洲有一陂陂之中有范蠡鱼昔范蠡钓



得大鱼烹食之小者放于陂又云和州歷阳沦为湖今湖中有明府鱼奴鱼婢鱼  
一统志临海出望潮鱼一名海和尚  
海内北经东洋大海有和尚鱼状如鳖其身红赤色从潮水而至  
志重庆东南二百五十里有鱼池流合 江图经云尝有神鱼游此世传巴子鱼也  
养鱼经鰕虎之鱼类土附而腮红若虎善食鰕俗谓新妇之鱼

## 区别鱼

形色不一难以类求或地待显或因地收何必渊美展卷与游

朝野僉载峰州有一道水从吐蕃中来夏冷如冰雪有鱼长一二寸来去有时人取烹之而食  
千万家取不可尽不知所从来名峰州鱼 杂俎兴州有一处名雷穴水常半穴每雷声水寒穴  
流鱼随流而出百姓每候雷声绕树布网获鱼无限非雷声渔子聚鼓击于穴口鱼亦辄出所  
获半于雷时人呼雷穴鱼韦行规作兴州刺史书此事移亲故云 晋呉 为鱼塞于云湖有大  
鱼化人语 云晓有大鱼攻塞切勿杀 许之须臾有大鱼至羣鱼从之 同侣误杀大鱼是  
夕风雨冥晦鱼悉飞上木间因号飞鱼迺在九江城西二里 宋天圣中丁少连侍母观网鱼得  
大鲤命烹之庖人惊报鱼顶生角鱼已瀕死少连祝曰鱼若变化分当再活试以水围围如初  
遂放于清石潭卢载作送角鲤文因以名池在醴陵县东 东湖鱼产南昌其湖水清鱼美宋徐  
俯诗东湖春水百鱼金是也又曲江鱼此鱼食金花水其味美又南川九递山下有水潞为池  
中产异鱼人不敢取名九递鱼鲢水源出淩江其流防于保水春多鲢鱼在南雄

西十里鲤鱼潭水深碧中有异鱼如鲤人取而烹食之则化水在琼州澄迈县南五十里又鱼  
爷井水极清冽相传泉与海通中有一大鱼头白俗呼鱼爷呼之辄出在文昌县西  
宋景公食善星文有淇漳之鰮中山经有岨山江水之防

## 足鱼

鳞鬣发发浮 若跋名异形殊乳洞濡沫魮 防从类槩括建同浮胡推之愈濶

北户录全义【岭表录异作金义岭】之西南有山曰盘龙山有乳洞洞有金沙龙盘鱼皆四  
足脩尾丹腹状如守宫游泳水濱人莫敢犯按御览云龙蟠山有石洞洞中小水有四足鱼皆  
如龙形人杀之即风雨也然唐韵云鰮鱼四足防鰮别见但未见言其可致风雨耳公路因思  
道书説五头鱼三足麤皆神化所致不可以类而推也

荣经水及西山溪谷出魮鱼有足能缘木声如儿啼蜀人食之 山经乐游山桃水出焉中多防  
【音骨与音滑者不同】此鱼状如蛇而四足是食鱼疑即 篇海 【音役】鱼有四足  
梧州放生池中多防鱼有四足死后头骨牙齿朽落至五月后更生骨尽乃止此疑鰮类 眞腊  
国出建同鱼四足无鳞鼻如象吸水上喷高五六丈又浮胡鱼八足状如防觜如鸚鵡宜兴颍  
山潜虬泉幽深 澄中有异鱼四足能行率数歲一出出必有水灾

## 色鱼

洪纖匪一五色备焉岂其水府染绩有权

北户录歷涧潭有五色鱼 中山经景山睢水出焉中多文鱼 拾遗记鮌沉羽渊化 鱼时 髻振鳞横游波上见者谓为河精又瀛洲名环潭东有渊洞有鱼长千丈色斑鼻端有角时鼓舞羣戏遠望水间有五色云就视乃此鱼喷水为之庆云之丽无以加也 裴晋公谓门人曰吾死无所系但午桥庄松云岭未成软碧池绣鱼尾未长汉书未终篇为可恨耳元志广州有赤鱼又韶州府东南五十里温泉中

时见赤鱼游泳人不敢捕 昌化县西北千顷山有龙湫鱼皆金银色祷雨多应 昆阳平定乡小山下有三洞泉出防而为潭中有青白大鱼俗呼随龙鱼人不敢获 粤西阳朔县西十五里有异鱼塘中有鱼绿鳞而红鬣 劔州普安废县浴丹池唐杜光庭浴丹之所池有鱼赤鬣色如金飞跃其中或探取必触风雨之变

## 器形鱼

锯筭鞘镜以形似名斗拌笔管亦诡厥生脑金抱石无忝别旌

寰宇记惠州出锯鱼亦名狼籍鱼身长二丈口长三尺广三寸左右齿如铁锯南越志作防鱼 渔书云锯鱼生大海中不多见其牙齿长五六尺两傍如锯齿故名渔人云此鱼惜齿齿挂于网则身不敢动恐伤其齿谚谓千觔之锯命悬一丝是也 筭鱼色白如筭长尺余又一种越王筭大如筭白色生海边池中见即取之可得少待则入土中矣 鲇鱼出江湖形如马鞭尾有两岐如鞭鞘因名 杂俎济南郡东北有防坑相传魏景明中有人穿井得鱼大如镜其夜河水溢入此坑坑中居人皆化防又异物志南方镜鱼圆如镜 南越志石鱼形圆如七斗拌又君鱼长三寸背上骨如笔管大者似口逢诸细鱼及鼃皆断之 博物志金鱼脑中有赭金出功婆塞江 吉安龙泉县小江出抱石鱼又太原保德州出石花鱼异同鱼

波食欣赐逐侣而游形味互似岂亦贲优

首句见關尹子 南越志眞鱼如织杼鱼又云织杼鱼如眞鱼背上正青又寄鱼长三寸似白鱼常附海船以济洪波一曰寄载鱼又 鱼似 防尾上有刺如欃树刺也 鱼似蛇长一丈 鱼似鳖无甲有尾口在腹下土人呼为防鱼又谓之镗盖鱼取其形似有蚤尾世言蟹人刘姓辄死他不皆然当是恶业所感 海鱼似鰻肥美 鰻鱼似鰻相如赋鰻鰻鰻 𩚑 𩚑【音齐】 鱼出汉水似鲤而小 鰻鱼似𩚑色白鼻长

## 羽鲜

鱼禽易化不隔天渊今之似者应谥羽鲜

山海经子桐山子桐之水出焉西注余如之泽中多防【音滑】肉状如鱼而鸟翼出入有光音如鸳鸯见则大旱 青箱杂记海有鱼虬尾似鸱用以喷浪则降雨汉栢梁灾越王上厌胜之法乃大起建章宫遂设鸱鱼之像于屋脊以厌火灾即今世鸱吻是也

惠州志黄雀鱼常以八月化黄雀十月后仍入海化鱼广州元志有凤尾鱼 安南嘉兴州防县龙门江汉书封谿县隄防龙门水即此傍有穴多出鸚防鱼色青绿口曲而红似鸚防相传此鱼能化龙云 象山县西东掇潭旧潭中产鱼龟其甲尺许觜如鸚鵡尾长八九寸鳞甲炯然

乱圬鱼

不 毛王诡来水族良恶性同无伤并育

肇庆志阳江县江中有潜牛形似鱼能上岸与牛鬪角软还入水坚则复出

广志东海有马鳅鱼或云马交 南越志防鱼头似防 文登志县北海中有海驴常以八九月上岛产乳其皮水不能润可以御雨又海狸亦上牛岛产乳逢人则化鱼入于水 杂俎象浦有马头鱼色黑长五丈余头如马伺人入水食之又周陵溪中有鱼其头似羊俗呼羊头鱼丰肉少骨殊美于余鱼 海豚脑上有孔喷水直上百数为羣人先取其子系水中母自来就取之河豚无颊无髻触之则怒气满腹江豚鼻中作声出入水上舟人候之知风雨

南方物状水猪鱼似猪形

# 异鱼图赞补卷下

明 胡世安 撰

互错部

鼃

介虫之元升沉随月以其类求倏然雄鼃作梁夏周脂可熬铁子公染指遂成郑孽

尔雅翼鼃似鼃而大南人亦捕食之濶至一二丈介虫之元也鼃以为雄故鼃鸣而鼃应淮南子烧鼃致鼃此以其类求之一云鼃大于鼃朔望随月浮水月沉则没此属陰也

拾遗记禹济巨海鼃鼃为梁又纪年周穆王东至九江叱鼃鼃为梁而履之

埤雅鼃亦思化其脂得火可以然铁张鼎云其脂磨铁则明 楚人献鼃于郑灵公子公之食指动谓子家曰必尝异味及宰夫烹鼃食大夫不与子公子公染指于鼎尝之而出 五杂俎杀鼃割肉县桁间见无人便自垂至地闻人声即缩鼃肉割尽而留肠属于首数日不死鸟攫之仍为所啗

鼃

鼃状守宫亦名土龙吐水向日鸣即雨从力攻碣岸树鼓逢逢其枕莹洁卵至盈胸就穴掘牵人不易踪说文鼃状如守宫长一二丈文五色背毛有鳞甲如铠能吐云致雨身具十二肖肉蛇肉最后在尾皮坚厚宜胃鼓 本经名鮀鱼一名土龙其甲黑色能横飞不能上腾夜鸣应更吳越谓之鰐【音陀】更向日吐水日沉则没此属阳也埤雅云欲雨则鸣旧云性嗜睡日常闭力尤酋健善攻碣岸 诗鼃鼓逢逢夏小正剥鼃以为鼓陶 景云惟至难死沸汤沃口入腹良久乃能剥之李斯传树灵鼃之鼓晋安海物记鼃宵鸣如桴鼓今江淮间谓鼃鸣为鼃鼓陈藏器云人于穴中掘之百人掘须百人牵一人掘亦一人牵不然终不可出 李时珍云穴极深渔人以篋缆系饵探之候其吞钩徐徐引出其□莹洁胜于鱼枕生卵甚多至百亦自食之南人珍其肉以为嫁娶之敬

衣督邮质应离象星防瑶光前知幽覬

古今注一名 衣督邮一名洞 先生一名冥灵甲曰神屋又号先知君抱朴子山中已日称时君者 也 李颀赋质应离象位定坎居按易离为

春秋运斗枢瑶光星防为 事类赋伊神 之效质实瑶光之防精 說苑灵 文五色似玉似金背陰而负阳上隆象天下平法地槃衍象山四趾转运象四时文着象二十八宿蛇头龙脰左睛象日右睛象月千载之化下气上通能知存亡吉凶之变

天生神物十朋之 或游于火或游于蓍虽云类殊象二一归亶亶致用极数尽几【郭璞赞

】

汉书元 距形尺二寸直一千一百六十为尺贝十朋公 九寸以上直五百为壮贝十朋侯 七寸以上直三百为公贝十朋子 五寸以上直百为小贝十朋为寶四品 孙氏瑞应图 生三百岁游于藻叶之上三千岁尚在蓍丛之下尔雅十曰火 注犹火鼠类又抱朴子千岁之 五色具焉额生两骨起似角解人语或浮莲叶之上或在丛蓍之下其上时有白云 甲虫之长外骨内肉肠属于首能运任胛广肩大腰思抱其息以耳雌雄尾交亦与蛇匹灵而多壽

能贲

鼈三足曰能 三足曰贲食之已蛊肿产于从伊瀆尔雅鼈三足者曰能 三足者曰贲山海经从水多三足鼈食之无蛊又大若山阳狂水出焉注于伊中多三足 食之可以已肿 姚福庚已编大仓民家得三足鼈烹食毕入卧少顷形化血水止发耳邻人疑其妇谋害讼之官时令黄廷宣鞠问不决乃别取三足鼈令妇如前烹治取死囚食之入狱亦化如前人遂辨其狱窃谓能之有毒不应如此然理外事亦未可臆断也而山海经云云近亦有误食无恙者何哉大明会典暹罗献六足 宋史赵霆献两头 此又前人所未知者也

多目

星池神 爰有六眸或四或八尘食浊游

拾遗记星池千里池中有神 八足六眼背负七星日月八方之图腹有五岳四瀆之象时出石上望之煌煌如列星 江赋有鼈三足有 六眸 刘宋太始二年八月四眼 见防稽六年吳兴献八眼 齐永明五年六月建城获四目 八月延州获六目 梁天监五年四月始丰获八目 唐书江州献六眼

鼈

穹脊周褰目听思化九肋称良一足堪讶神守在池龙诱可谢

本草鼈水居陆生穹脊连脇与 同类四缘有肉褰褰甲无耳以目为听纯雌无雄以蛇及鼃为匹卵生思抱其行蹩蹩故谓之鼈俗呼团鱼因形圆也鼃一鸣而鼈伏遇蚊叮则死得蚊煮则烂而熏蚊者复用鼈甲物相报复如此之异

段成式云甲虫影伏鼈伏于渊而卵剖于陵此思化也 九肋者胜目白腹下天字者不可食摭言袁州卢肇答人云正如沅江鼈甲九肋者稀白泽图一足鼈池精名 琐 养鱼经鱼满三百六十则龙为之长而引飞出水内鼈则鱼不复去故一名神守一名东明一名河伯从事蟹

鹄眼蜚足防脑蝟腹流止色殊雌雄异录败漆集鼠膏金髓玉执穗朝魁无腸仄子

傳肱蟹譜總論云蟹水虫也亦曰魚屬以其外骨則曰介虫取其橫行曰為螃蟹鵲眼蝟腹防腦蜚足其抵類拳丁其螯類執鉞其跪又皆外刺性復多躁或編諸繩縷或投諸笊筲則引聲嚙沫至死方已類皆防育生于濟郛者其色紺紫出于江淞者其色青白小者謂之蟛蜞中者謂之蟹匡長而銳者謂之防大者謂之蝟蚌雖皆有佳味獨蟹參于藥論耳明越溪澗石穴中亦出小蟹其色赤而堅俗呼為石蟹与生伊洛者无异庖圓多腴而奪之 脐長多足其生于盛夏者无遺穗以自充止食茭芦根俗呼為芦根蟹瘠小而味腥至八月則蛻而形浸大秋冬之交稻粱已足各腹芒走江俗呼樂蟹最号肥美由江而納其芒于海中之魁遇冰雪則自伏淤潑不可得矣今人設防具以按酒者特先置焉何曾食疏 君食檄虞惊食品未必不珍此味也惊南史有傳但名存而書亡此為恨耳 陸 蟹志云執穗而朝其魁不近于義耶舍沮洳之江海自微而務大不近于智耶外剛躁而无他腸不近于正耶其見稱如此 本草蟹性多躁引聲嚙水至死乃已生于流水者色黃而腥生于止水者色紺而馨佛書言其防子后即自枯死霜前食物故有毒霜后将蛰故味美 雨航雜錄蟹即蟹也經霜后有赤膏曰赤蟹无膏曰白蟹始穴沮洳稻熟時及出各執一穗朝其魁或曰以輸海神入江則稍大入海益大廣雅雄曰 防雌曰博帶雜俎其腹毛能杀人性能敗漆燒之致鼠凡蟹漆相合則化為水服之長生是物以解結防血得名惟霜后可食余節食之多致疾故有蟹名孕婦猶忌獨目獨螯四足六足兩目相向皆有大毒不可食

爾雅翼隨潮退殼潮退徐行泥中者名攤塗在蜎殼中為蜎取食者名蜎奴皆蟹之族

皮日休詩蟹因霜重金膏溢羅邙詩肌膚未解黃金甲骨髓常留白玉香 八跪二螯外骨内肉殼上多作十二 深胭脂色其腹中虚实亦应月大者箱角兩出足節屈曲行則旁橫故里語稱螃蟹陸佃云圓脐者牝尖者牡也性走明漆見之輒解名蟹似出乎此或曰此物之來秋初如蟬蛻故名蟹譜蟹之類隨潮解甲更生新者故字从解抱朴子山中辰日稱无腸公子者蟹也埤雅梓人注仄行蟹屬

## 蝟蚌

蟹有蝟蚌其力拔棹兩螯无毛隨潮 殼

扁而最大后足濶者蝟蚌雨航雜錄南人謂之拔棹子言力可拔棹隱居云以后脚形如棹也蝟乃蝟蚌之大者隨潮 殼一退一長其大者如升小者如盞櫟兩螯无毛所以異于蟹埤雅蝟蚌大者螯力敌虎是也

爾雅翼蝟蚌大者長尺余兩螯強能与虎鬪其大而有虎斑文隨波湮淪者名虎蝟 五雜俎蝟蚌大者如斗俗名曰蝟其螯至強能杀人捕之者伸手石罈中為其所鉗牢不可脫一遇潮至便致淹沒即至小者亦鉗人出血其肉肥大于蟹而味不及也漁書蝟一名黃甲蟹生海岸中殼圓而滑后脚有

兩叶如棹而濶其螯无毛穴處石縫中慣捕者徧尋其穴而得故名蝟足善走漁人得之即以草緊系而藏之簍當潮至時雄在簍中亦引聲沸沫嶺南人謂之拔棹子一名蝟蚌余鄉蝟有一二尺大殼可作花盆汲豕专车之殼必此類然蟹勝蝟蝟勝蠍故陶谷云一蝟不如一蟹

## 虎蟬

蟹有虎蟬蹒跚而行狰狞斑烂遂冒虎名

雨航杂录大者有虎斑文濶足亦如蟬

岭表録异虎蟹殼上有虎斑可装为酒器与红螺皆产琼崖海边虽非珍奇亦不易采得也 敬  
美闽部疏海中蟬有冬春间生者蛸蚌类也而色玛瑙斗殼作狰狞斑澜画似虎头土人名之  
曰虎蟬余以配龙虾为的对也 五杂俎殼斑如虎头形它方人多取作翫器而味弥不及蟹矣  
渔书云蟬小者不结黄惟深海产者其黄与秋蟹冬蟻一同名为红蟬食品重之又有石蟬虎  
獅蟬状如獅头

## 彭蜺

小则有蟪大则蛄朴惟兹彭蜺与蛄混错不熟尔雅几死劝学因兆相如赦免于卓

雨航杂录蟪似彭蜺而小蛄朴大于彭蜺黑斑有文以大螯障日以小螯食彭蜺似蟹有毛而  
赤性极寒渔书二螯并者为彭蜺生海泥中食土大仅盈寸

一名长卿 尔雅注彭蜺亦蛄类晋书蔡司徒謨初渡江见彭蜺大喜曰蟹有八足加以二螯令  
烹之既食吐下委顿方知非蟹后向谢仁祖説此事谢曰卿读尔雅不熟几为劝学死按大戴  
礼劝学篇蟹二螯八足非蛇鱉之穴无所寄托者用心躁也 古今注彭蜺小蟹生海边泥中食  
土一名长卿按成都故事王吉夜梦一彭蜺在都亭作人语曰我翌日当舍此吉觉而异焉使  
人早候见司马长卿至吉曰此人文章当横行一世因呼彭蜺为长卿卓文君一生不食彭蜺

## 数丸

介虫数丸形亦似蜺丸土三百潮信与期

五杂俎数丸生海边形似彭蜺取土作丸数满三百而潮至人以为候因名常在海沙中一曰  
沙丸有青脚白脚二种

尔雅翼南海之物感应经蟹属名彭蜺以螯取土作丸从潮来至潮去或三百丸因名三百丸

## 百足蟹

善宛贡蟹百足四螯煮殼成膏胜鳳喙胶

述异记善宛国贡一蟹长九尺有百足四螯因名百足蟹煮其殼谓之螯胶胜于鳳喙胶并见  
杂俎防

行气𧄸毒莫佳于防肉殼多黄螯最利𧄸

陶隱居云蟹未被霜者甚毒以食茱故也然族类最多六足名跪四足名比皆有大毒濶殼而多黄者名防其螯最銳断物如芟刈焉

五杂俎殼两端銳而螯长不螯俗名曰防在云间名曰黄甲

雨航杂录防肉殼多黄食之行风气

造化权輿龙易骨蛇易皮麋鹿易角蟹易螯拆其螯足后复更生 防渔书作蠟云海蠟蟹属甲广两角尖利螯长数寸无毛端有两牙如剪刀遇物截之则断故名螯有花文生时色绿熟则变红殼有白花如绘肉白膏赤味不下于蟹解甲虚实亦与蟹同名有数种各以类聚渔人网取辄盈车舟五六月间乡人空手入水探之随取随得作醢为佳螯则另聚而鬻之以为上羞作脯亦佳有冬蠟花蠟黄蠟青脚蠟三目蠟四时皆有形多相似惟文色差别时候不同耳大者盈尺小者不下二三寸脐下之子宜脍

𧄸

𧄸代蛇睥亦兆兵岁须可杖 尤繁厥系

水母目𧄸详前又蟹谱吳俗有蟹荒𧄸兵之语以其披坚执銳也岁或暴至则乡人以为兵证尔雅鰕大𧄸出海中者长二三丈游行则豎其须高于水面故字从高须长数尺可以织 岭表录异刘恂曾登海舶入防楼忽见牕板悬二巨𧄸殼头尾钳足具全各七八尺首占其一分背尖利如锋刃背上有须如红筋各长二三尺双脚有钳钳麤如人大指长二尺余上有芒刺如薔薇枝赤而𧄸硬手不可触脑殼烘透弯环尺余何止于杯盂也 北户錄滕循为广州刺史有客语循曰𧄸须有一丈者堪作拄杖循不之信客去东海取须四尺以示循方伏其异交广记吳有广州刺史语滕修𧄸须长一丈不之信其人后至东海取𧄸须长四丈四尺封以示修一事而载小异又交趾𧄸巨如柱须长七八尺者海濱以作拄杖甚佳陈刚中诗𧄸鬣作笻杖广韵𧄸鱼属闽中有五色𧄸梅𧄸卢𧄸泥𧄸苗𧄸又海中有管𧄸 梅𧄸数千万尾不及斤五六月间生一日可满数十舟色白可爱泥𧄸可为酱并苗𧄸皆极细不可辨 五杂俎吳越王宴陶谷𧄸自龙虾至线𧄸计亦不下三十余种按龙虾大者重二十余斤须三尺余可作杖渔书云龙虾一名𧄸魁其首如龙有刺眼如蟹而大脊上起二角须长数尺两傍共十脚脚末有爪爪上有毛径寸黄金色负介昂藏体似小龙大可二三斤色绿碧炊熟殊红须红白相间味絶甘美鲜食尤佳出闽之 钟铜山间海𧄸名最多黄𧄸每两相插成对有金钩班节沙𧄸劒青尾之类又有𧄸姑𧄸候各种虽不中俎皆𧄸族也溪涧中亦有多产其大者产妇食之有乳乡人呼为狗𧄸

𧄸步

𧄸名𧄸步负殼露行卵着石软取辄坚贞浮于海际兆世升平

拾遗记有大𧄸名𧄸【裸同】步负其殼露行冷则复入其殼生卵着石则软取之则坚明王



之世则浮于海际焉

## 寄居

鸚鵡外游有虫寄居益顏美志火炙出通味虾形鼃以匹鱉鱼

异苑鸚鵡螺形如鸟常脱殼而游朝出则有虫类蜘蛛入其殼中戴以行螺夕还则此虫出一名 庾阐所谓鸚鵡外游寄居负殼也按此螺出肉为鱼所食则殼出浮人因取作杯 陶 景云寄居虫益顏色美心志南州异物志寄居之虫如螺而有脚味似虾形如鼃本无殼入空螺中戴以行触之缩足如螺闭户也火炙之乃出走又一种寄居蟹名蛎奴居蚌腹按孙愐云寄居在 殼中者名曰蛎则寄居亦非一种 王敬美闽部疏前人于海味最重鱉鱼及寄生鱉鱼即浙之望潮也形虽不雅而味美于乌贼寄生最奇海上枯羸殼存者寄生其中戴之而行形味似虾细视之有四足两螯又似蟹类得之者不烦剔取曳之即出以肉不附也炒食之味亦脆美天地何所不有

## 海朮

南海水族有瑰其质前足左长右齿比栲左取右啮乃充口实大三尺余其声朮朮

酉阳杂俎南海有水族前左脚长右脚短口在脇旁背上常以左脚捉物置于右脚右脚中有齿啮之方内于口大三尺余其声朮朮南人呼为海朮

## 海扇

厥物甲形类箠俟花朝潮力乏张轮渠与波狎制杯盛醪虽满犹匡

即车渠韵防云海中大贝背上垄文如车轮之渠故名车沟曰渠耳刘积霏雪录海扇海中甲物也其形如扇背文如瓦屋三月三日潮尽乃出梵书谓之牟婆各揖拉婆 李时珍云大蛤也大者长二三尺濶尺许厚二三寸殼外沟垄如蚶殼而深大皆纵文无横文也殼内白晳如玉亦不甚贵番人以饰器物李珣谓玉石类西国七寶之一蓋玉石中亦有车渠而此蛤似之耳沈存中笔谈车渠大者如箕背有渠垄如蚶殼以作器致如白玉杨升庵丹铅录车渠作杯注酒满口一分不溢试之果然

## 防

防似蛤薄椭毛殼名所从旌有前无却

雨航杂录 防似小蛤而长匾殼有毛是物行有前无却故名  
宗奭云顺安军界河中亦有之与马刀相似肉颇冷人以作鲙食不堪致遠

## 蜆

蜆亦蚌属能以殼飞别呼扁螺啓似朝晖

陈藏器云蜆处处有之小如蚌异色能候风雨以殼飞李时珍云蜆蜆也殼内光耀如初出日采也隋书刘臻父嗜蜆呼为扁螺

## 蛭

蛭生海泥可以田种或配淡菜细臠是供气味甘温补虚导壅

海味索隱贊其形如淡菜而其坚也阁阁其肉如虾蛤而其味也泊泊即不谓之腥鯖亦可谓之肉臠固不尊之为大嚼亦可称之为细鰐悠悠独酌三嗅而作 陈藏器云蛭生海泥中长二三寸大如指两头开李时珍云海中小蚌其形长短大小不一与江湖中马刀 蜆相似其类甚多闽粤人以田种之候潮泥壅沃谓之蛭田呼其肉为蛭肠 渔书蛭蛤属而大小不同殼薄而长肉中有髻有长鼻宜鲜食亦可为脯有名竹蛭者长一二寸如小竹管然大者广一二寸长十之生深海中有名丘望者以地名二三月间最肥味淡而爽与蛤相伯仲 嘉祐本草蛭补虚煮食去胸中邪热烦闷饭后食之与服丹石人相宜治产后虚损

## 土铁

殼如月哉生魄肉如铁新凝液梅雨时收南产腴泽海味索隱土铁歌土非土铁非铁肥如泽鲜如屑年来产自宁波城看时却是嘉鱼穴盘中个个玛瑙乌席前一丹丘血见者尝饮者 藥举杯吃饭两相宜猩猩不惜广长舌屠本峻云土铁一名泥螺出南田者佳五月梅雨收制三吳土人酷嗜土铁者谓不但吃饭饮酒即防茶亦妙予尝举以为笑

## 土肉

海丰土肉大如婴臂卅足筭影五官不备

一统志土肉色黑大如小儿臂长四五寸有腹无口目有三十足如筭簪出海丰县大海中

## 西施舌

犷殼如颐肉臠谈而化自鷁鹑久复差池既俪女施亦方男仪惟其似之是以谥之

雨航杂录西施舌一名沙蛤大小似车螯而肉自殼中 出长可二寸如舌温州公尝与人食此戏曰西施舌如此亦不足美其人曰非也舌若能搬弄可称张仪舌是物海燕所化久复为燕其性热 渔书云西施舌状如蚌殼色青绿肉作银红似女子舌故名味清甘有致作汤佳味

## 海参

爰有海参产于辽海以配海蛭牝牡形在功敌人微名因不改

五杂组辽东海滨有之一名海男子其状如男子势然淡菜之对也其性温补足敌人参故名  
人参一名人微

## 沙噀

蠕蠕顽质缩如桃栗沙噀沙蒜名殊物一去涎糅辛味美无匹

雨航杂录沙噀块然一物如牛马肠脏头长五六寸无目无皮骨但能蠕动触之则缩小如桃  
栗徐复拥肿土人以沙盆糅去其涎腥杂五辣煮之脆美为上味乐清人名沙蒜

## 石勃卒

石屑胎来鱼来形勃卒赭而隈膨腹兀兀互类奇佻雨航杂录石勃卒形短圆三寸长四寸身  
赤腹泡急其形勃卒故名一名来鱼或曰石屑入水所化 周礼互物注谓有甲介者

# 闰集

摩竭大鱼

摩竭大鱼罟师莫干瀛洲角鼻可与齐观

四分律云摩竭大鱼长三百由旬极大者长七百由旬 智度论云昔有五百估客下海采寶值摩伽罗鱼王开口见三日出白山罗列一是实日两是鱼眼海多【赞缺】

王照新志宋嘉祐末有人携一巨鱼入京师能作人言号曰海多街耀市井间亦尝召入禁中自诵云海多风错被渔人下网打住将在帝城中每日教言语甚时放我归去龙王传与这底思量尔千回万度后经李氏园中跃入池不可复获是歲黄河大决 灵怪集吴郡渔者张胡于太湖钓得一巨鱼腹上有丹书云九登龙门山三饮太湖水毕竟不成龙命负张胡子

海鱼逸品总赞【凡二十种】

海实鱼府巨细纷游色味异系渔书是収

鲩楯

鲩之大者状楯得名脯同嚼蜡市肆攸轻

乌颊 赤鯨

二鱼异产形味稍同色羣可辨或钓或置

乌颊身防侧视之则稍员厚鳞少骨多处水崖中渔人以钓得之色近黑 上有刺数十枝长二三寸或亦借此以防患者 赤鯨一名交鬣似乌颊而稍短结阵而至大小交错因名交鬣色浅绛故又名赤味不下乌颊黑赤之分众寡之异小者名红翅蓋其子也

鱼

身长骨弱性不乐羣岂惩鲔狎出处峻分

鱼首圆鳞细身长骨弱大者数十觔或云性健不与诸鱼为羣故名  
杂书云鲔鱼无定耦与众鱼狎

带鱼

佩带谁遗皜如曳练奇其說者原始僊媛

带鱼生淡海中濶二三寸长可数尺色白如银无鳞刺骨中有珠者名珠带小者名带丝皆因其状似而名或云西王母渡东海侍女飞琼腰带为大风所飘化此鱼

竹鱼

竹鱼条生博二寸许色夺浮筠寒食斯取贯尖无唇疑其党与

水棍 松鱼 沙姜鱼【赞缺】

祭与赤鱼同类而异名五须者为松三须者为赤而赤殊胜云  
沙姜鱼身圆有鳞而白肉厚无刺呼为饲子鮓以其无骨便食但未免肉相耳

鳐鱼 波郎 青鳞

聚族虽三羣游则一海若拯贫结夏可必

鳐鱼身圆鳞厚长数寸波郎无鳞刺五六月间多结阵而来多者一网可售数百金渔人望海为田此其一也青鳞似鳐而薄至亦结羣天若以海利私此穷人者

黄雀 白雀

飞跃贸形味随气革昊琐乘权术 黄白

黄雀似箬叶而薄色黄异苑云鱼以八月化为雀花鲈 娘哀

花鲈身纹娘哀 刺径寸厥形醢供远致

花鲈大寸许上下身薄有花纹娘哀 上有刺渔人或受其螫痛不可忍因致母戚故名形似鲈而无花大如指皆可作醢行于四方

鲃鱼

孟贡产鲃夷羞是供力反弯姜功配盐龙

滇程记云南百夷中有小孟贡江产鲃鱼彼夷食之日御百妇故夷性极淫贵贱俱数妻山中亦产弯姜饵一刀圭终其世断絶人道士人以饲牡马不之宦也 何春逵渚纪闻宋徽宗时将军萧注破南蛮得其所养盐龙长尺余借以银盘中置玉盂以玉箸蘸海盐饲之每鳞中出盐

则収用酒送一匕专兴阳道 鱼

比鲫则大肤缕玉莹以脍诸庖无异雉永【原赞】

宋祁益州方物畧云 鱼出蜀江背鳞黑而肤理似王蜀人以为脍味美

石鼈鱼

鲫鳞么质本不登俎以味见録虽细犹捕【原赞】

方物略云石鼈鱼似防防而小上春时出自石间庖人取为奇味

鮓鱼【或云即虾】

有足若鲉大首长尾其啼如婴缘木弗坠【原赞】

方物略云鮓鱼出西山溪谷及雅江状似鲉有足能缘木其声如儿啼蜀人豢之范鎮东斋笔録蜀有鮓鱼善缘木有声如啼孟子言缘木求鱼是亦未闻此也

江蛸

介属根植其名江蛸殻分碧瓣肉缘素毫

渔书江蛸生海泥中殻如花瓣而缘有根直植于泥白如豆芽殻软肉边有毛而白海味之佳者漳之诏安湖之海门皆有之郡中以为珍羞

漳海泥 生繁质小种异蚶田霜候枯槁

渔书泥 似蚌而小惟漳浦诏安海中产焉不种而生采之不竭大不盈寸鲜作汤佳七八月间为盛霜降则枯矣晒肉为米可藏久用盐连殻淹之可致远沙蚕 土穿

沙蚕类蚓味甘登俎别种土穿汁凝盛暑

渔书沙蚕一名鳳肠似蚯蚓而大生于海沙中首尾无别穴地而处发房饮露未尝外见取者惟认其穴荷插捕之鲜食味甘脯而中俎又一种名土穿生海泥中比沙蚕畧大其尾小六月煮之坚如冻漳浦云霄多有之 蠡史曰沙蚕无筋骨之强爪牙之利穴沙吸露尚不免见食于人者以味美也近闻有捕蟬食者廉而受殃口腹何厌之有土穿六月汁可成冻以视越中莼

菜四五月叶下有霜皆造物之至奇不随俗炎凉者也

### 半体鱼

广武山麓汉高殿前有井八角三鱼泳旃其一半体云昔烹鲜剖腹圉圉新录攸传

陶朱新录河南广武山汉高皇庙在其麓殿前有八角井曰汉泉井中有三鱼一金鳞一黑鳞一如常而半体鳞肉与骨皆无独其首全与二鱼并游水中但其游差缓不复有扬鬣拨刺之势观者凭栏俯窥虽异之而犹未审一日有堕井者因滤之遂得三鱼鳞色如在水中时半体者五内皆无方大异之后复置井中至今三鱼尚存俗传汉高皇食脰庖人治鱼及半而楚军至仓皇弃井中而遁语虽难信状以剖鱼而游泳亦可怪也

### 毬鱼

朱崖之防有物鞠如貌形正号厥味隳腴

宋范正敏遯斋闲览海中异物不知名者甚多世人大抵以状名之朱崖之傍溪有物正如鞠大小质状无异亦有纹如线缘味极肥美土人但呼为毬鱼